

**Aalisarnermik piniarnermillu inuussutissarsiutillit inuussutissarsiornerannik siuarsa-
nermut inatsisip (ESU) allanngortinneqarsinnaanera pillugu – taassumalu kingunissai
pillugit – Naalakkersuisut misissuinissaannik Inatsisartut aalajangiiffigisassaattut siun-
nersuut, taamaalilluni siunissami inuussutissarsiutigalugu umiatsiaaqqap pissarsia-
rinerata nalingata 60 pct.-ianik inuussutissarsiornermi siursaanissaq pillugu taarsi-
gassarsiisoqarsinnaanngorlugu. Misissuinerup inernera kingunnerpaamik aggustip
aallaqqaataani 2016-imi Inatsisartunut agguanneqassaaq.**

(Inatsisartunut ilaasortaq Nikolaj Jerimiassen, Siumut)

Akissuteqaat

(Aalisarnermut Piniarnermut Nunalerinermullu Naalakkersuisoq)

Siullermeerneqarnera

Naalakkersuisut siunnersuuteqartoq taamatut siunnersuuteqarneranut qujassuteqarfige-
rusuppaat, Naalakkersuisut siunissami umiatsiaarartaarniarnermut tunngatillugu ESU-mi
aaqqissuussineq umiatsiap nalingata 60 pct.-ianik inuussutissarsiutip siursarneranut
attartornermut allanngortinneqarsinnaaneranut periarfissanik aammalu kingunerisinnaasaanik
misissuinissamik Naalakkersuisut peqquneqarnissaannik siunnersuummik saqqummius-
saqarmat.

Aalisarnermik piniarnermillu inuussutissarsiutillit inuussutissarsiornerannik siursaanep pillugu Inatsi-
sartut inatsisissaanni nr. 13, 3. december 2012-imeersumi §5 imm. 3-mi oqariartuutigineqarpoq
umiatsiap nalingata 75 pct.-ianik tapiisoqarsinnaasoq. Qinnuteqartoq Qaanaami,
Ammassalimmi imaluunniit Ittoqqortoormiuni najugaqarsimappat umiatsiap nalingata 84 pct.
-ianik tapiisoqassaaq.

2015-imi umiatsiat tapiiffigineqarsimasut pisiarineqarnerminni akii agguaqatigiisillugu
244.692 kr.-imiissimavoq. Akigititamut ilaapput motori sillimanianermullu atortut. 2015-imi
umiatsiamut ataatsimut tapiissuteqarneq agguaqatigiisillugu manna tikillugu 195.060 kr.-
nimut inissisimasimavoq. Tamakkiisumik tapiissutinit 3.021.000 kr,-niusunit, konto 51.07.40
atorlugu, 2015-imi agguaqatigiisillugu umiatsiat 15-it tapiiffigineqarsinnaasimapput.

Tabel 1

	Maannakkut tapiissutit				Attartornissamut siunnersuut	
	75/25		84/16		60/40	
	Tapiissutit	Allanit/nammineq aningaasaliissutit	Tapiissutit	Allanit/nammineq aningaasaliissutit	Atukkat	Allanit/Nammineq aningaasaliissutit
Avitsinerit	75%	25%	84%	16%	60%	40%
Kr	183.519	61.173	205.542	39.151	146.815	97.877

Siuliani tabiili 1-imi takuneqarsinnaapput tapiissutit allanit, namminerlu aningaasaliissutit
aammalu attartukkat kiisalu allanit namminerlu aningaasaliissutit agguataarneri.
Inuutissarsiutitigut siursaanerup aaqqissuussaananerata tapiinermiit attartornermut allanngor-
tineqassagalarpat tamatigut qinnuteqartoq taarsigassaqalernerimik annertuumik nammak-
kerneqassaaq.

Ullumikkut inatsimmi periarfissaatitaareersut naapertorlugit Qaanaamiit, Ammassalimmiit imaluunniit Ittoqqortoormiuniit qinnuteqartunut ullumikkut periarfissaavoq umiatsiap pisiarinerata nalingata 16 pct. -ia namminermit imaluunniit allanit aningaasalersorneqartarnera. Maannakkut Inatsit naapertorlugu illoqarfinni pineqartuni umiatsiaararsorluni aalisartup aningaasaliiniarnermi agguaqatigiisillugu 39.151 kr. pigisariaqarpai (2015-imi).

Inatsit maannakkut atuuttoq naapertorlugu nunatta sinneranut aningaasaliissutit minnerpaamik 25 pct. -tii aningaaseriviit allalluunniit aqutigalugit aningaasalerneqassapput. 2015-imi umiatsiaaqanun tapiiffigineqarsimasunut tunngatillugu tamanna agguaqatigiisillugu 61.173 kr.-ninik aningaasaliissutigineqareersut aallaavigalugit naleqarpoq.

Siunnersuut piviusunngortinneqassagalarpat tamarmik assigiimmik umiatsiap nalingata 100 pct.-ia (244.692 kr) attartornikkut aningaasalersortariaqassavaat; 60 pct. (146.815 kr.) ESU-mit attartornikkut aammalu 40 pct. (97.877) nammineq allanilluunniit aningaasaliinikkut.

Naalackersuisuni nalilerparput umiatsiaararsortunut tunngatillugu inuussutissarsiutip siuarsarneranut aaqqissuussinerup maannakkutut tapiissuteqarnermiit annikinnerusumik attartorsinnaanermut allanngortinneqarnera aningaasaliinissamik periarfissaqareersunut iluaqutaassagaluartoq. Taamaattumik naatsorsuutigisariaqarpoq umiatsiaararsortut amerlanersaat aaqqissuussinermit iluaquserneqartut ullumikkut niuernermit nalinginnaasumik akit atorlugit umiatsiaaqamik pisinaviangikkaluartut. Allanguinerutaaq kingunerissavaa umiatsiaararsortut ilaasa ajornerusumik inissisimasut umiatsiaararsiniarnermi aningaasalersuinissamut periarfissaqannginnerat. Tamanna peqquteqarpoq pineqartut amerlanersaat 40 pct. -imik aningaasalersuinissamut attartornissamut periarfissaqannginnerannik.

Eqqortuuvoq aaqqissuussinerup maanna atuuttup allanngorneratigut amerlanerusunut aguaassisinnaalernermit kinguneqassamat. Maannakkut aningaasaliissutit attatiinnaraanni umiatsiaaqamut ataatsimut agguaqatigiisillugu 146.815 kr.-ninik attartortitsinermit, umiatsiaaqat 20-it nalinginut periarfissaqassagalarpoq. Taamaattoq Naalackersuisut nalilersuutigineqartut tunngavigalugit isumaqarput eqqartorneqartutut attartortitat aalisartunut, pisortat ikiortiginagit nammineq aningaasalersuinnaasunut agguarneqarnissaat ilimanartoq. Taamaattumik pissaqarnerusunut allanguinermit periarfissiineq naligiisitsinerunngilaq pissa-kinnerusunik pilliuteqarnermi.

Naalackersuinikkut aaqqissuussinerup amerlanerusunik atorluarneqarnissaa kissaatigineqarpat pineqartumut aningaasaleeqqinnerup ajorseriarnissamiit iluaqutaanissaa pitsaanerulersissagalarpaa.

Taamaattoq Naalackersuisut erseqqissarusuppaat Aalisarnermut Piniarnermut Nunaleri-nermullu Naalackersuisoqarfiup angallatinik pissarsiniarnermut tapiissuteqartarnermut atatillugu siunissamut allanngortitsisinnaanissamik periarfissanik misissuimmat. Allanngortitsisinnaanissanut periarfissanik suliaqarnermut atatillugu Naalackersuisut umiatsiaaqat ilanngullugit suliamut ilanngunneqarsinnaanissaat pitsaasutut ilalerpaat, siunnersuutigineqartumullu sanilliullugu suliaq taamatut isikkoqartillugu ingerlannissaa Naalackersuisut innersuussutigalunikku. Tassunga ilanngullugu kujataani umiatsiaararsortunut qulaani illoqarfiit avinngarusimasutut taasatut isiginiarnissaat Naalackersuisut pingaartippaat taakkununga assingusumik Narsaq, Qaqortoq aamma Nanortalik isiginiarneqartariaqartut.

Siuliini eqqartorneqartut tunngavigalugit siunnersuutip saqqummiunneqarnermisut isikkoqartillugu itigartitsissutigineqarnissaa Naalackersuisut innersuussutigivaat.